



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
AGENCIJA ZA PROMOCIJU IZVOZA BOSNE I HERCEGOVINE



Agencija za
promociju
izvoza
Bosne i
Hercegovine

Br: 02-02-2-248-2/26

Sarajevo, 23.2.2026.

N/r direktora

PREDMET: Poziv bh. kompanijama za učešće u poslovnoj posjeti Međunarodnom sajmu namještaja SALONE DEL MOBILE, Milano, Italija, 24-25.4.2026. godine

Poštovani,

U periodu od 24-25. aprila/ travnja 2026. godine, Vanjskotrgovinska/Spoljnotrgovinska komora Bosne i Hercegovine (VTK/STK BiH) organizirat će poslovnu posjetu **Međunarodnom sajmu namještaja i interijera Salone del Mobile u Milanu, Italija**, te Vas poziva da uzmete učešće u istoj.

Salone Internazionale del Mobile Milano (kraće Salone) je najznačajniji i najveći međunarodni sajam namještaja, dizajna i interijera u svijetu, osnovan 1961. godine. Sajam se održava svake godine u aprilu na sajmištu Fiera Milano Rho na više od 169.000 m² izložbenog prostora. Okuplja oko 2.000 izlagača (oko 36,6 % iz inozemstva) iz preko 35 zemalja sa oko 300.000 profesionalnih posjetilaca iz cijelog svijeta.

Ove godine, Salone se održava u periodu od 21-26. aprila/travnja 2026. godine.

Salone je centralno mjesto predstavljanja globalnih trendova u dizajnu, inovacijama, održivosti i tehnologiji u industriji namještaja. Salone privlači arhitekte, dizajnere, distributere, proizvođače, trgovce, medije i druge profesionalne posjetioce, te daje komparativnu prednost u praćenju globalnih trendova, inovacija i poslovnih prilika u namještajnoj i dizajnerskoj industriji.

Više informacija o sajmu možete naći na web-stranici Salone Del Mobile:

(<https://www.salonemilano.it/en/exhibitions/salone-internazionale-del-mobile>)

Cilj aktivnosti je podrška bh. kompanijama iz oblasti namještaja kako bi posjetili Salone, ostvarili direktne kontakte sa potencijalnim partnerima i upoznali se sa poslovnim mogućnostima na tržištu Italije i EU.

Posjeta će biti organizirana za grupu **do 10 bh. kompanija** koje se prijave na ovaj poziv i budu odabrane u odnosu na kriterije iz poziva.

Organizator VTK/STK BiH će svakoj odabranoj kompaniji osigurati **novčanu subvenciju u iznosu od 1.500,00 KM sa uključenim PDV-om**. Subvencija se može koristiti za pokrivanje troškova putovanja



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
<http://www.komorabih.ba>

za predstavnike kompanija i sl. troškove koji će se detaljno definirati ugovorom između VTK/STK BiH i svake kompanije - učesnice.

Koncept posjete:

Planirana je posjeta sajmu **tokom dva aktivna radna dana (4. i 5. dan sajma – 24. i 25. april 2026.)**.

Razlog za odabir ovog termina posjete jest u kategorizaciji posjetilaca sajma, jer se za svaku kategoriju posjetilaca primjenjuju različita pravila prijema:

- 1) „Trade Visitors“ - arhitekti i dizajneri, distributeri i trgovci, izvoznici i uvoznici, upravitelji objekata, glavni izvođači radova, dekorateri interijera, itd., mogu pristupiti sajmu cijelo vrijeme trajanja.
- 2) „Suppliers and Manufacturers“ - Dobavljači i proizvođači u sektoru namještaja i opremanja (kakav je sastav bh. delegacije) mogu pristupiti sajmu 4., 5. i 6. dan sajma (od petka do nedjelje, 24-26.4.2026.), od 9.30 do 18.30 sati.

Posjeta bh. delegacije je zamišljena dijelom kao studijska, kroz **razmjenu iskustava bh. brendova koji već izlažu na sajmu Salone sa kompanijama iz delegacije**. Na taj način rastuće bh. kompanije i brendovi dobili bi iz prve ruke informacije o sajmu, relevantnim trendovima i lokacijama koje treba posjetiti, te bi se tako realizirao prijenos znanja i iskustva unutar bh. industrije namještaja.

Preliminarni program dvodnevne posjete (24-25.4.2026.) uključit će sljedeće aktivnosti:

- Organizirani obilazak ključnih hala Salone del Mobile (Fiera Milano Rho) i tematskih cjelina uz stručno vođenje bh. dizajnera;
- Identifikacija trendova u dizajnu, materijalima i održivim rješenjima;
- Individualni B2B sastanci i networking sa izlagačima i partnerima;
- Posjeta showroom-ima renomiranih brendova i dizajnerskih studija u okviru Milan Design Week-a;
- Obilazak Brera Design District-a;
- Posjeta odabranim koncept prodavnicama i galerijama savremenog dizajna;
- Posjeta štandu kompanije Zanat i prezentacija njihovog iskustva razvoja brenda i nastupa na sajmu;
- Razmjena iskustava i diskusija o mogućnostima pozicioniranja bh. kompanija na EU tržištu.

Kriteriji za odabir kompanija – učesnica u posjeti:

- Bh. proizvođači i brendovi namještaja sa iskustvom u izvozu namještaja;
- Firme koje mogu osigurati najmanje jednog predstavnika (menadžeri/ dizajneri/ eksperti) sa znanjem engleskog jezika za učešće u delegaciji;
- Kompanija je aktivni član VTK/STK BiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj 30/1 i 72/1.) – eliminatoran kriterij;
- Prednost imaju firme koje imaju jasno definiran i prepoznatljiv brend.

Troškovi koje snose bh. firme:

- Troškovi putovanja (avio-karte, hotelski smještaj, loko-troškovi) za svoje predstavnike;

- Troškovi ulaznica za svoje predstavnike. **Trodnevna ulaznica (24-26.4.2026.) za kategoriju posjetilaca "Suppliers and Manufacturers"** (prema prošlogodišnjim cijenama, cijena ulaznica kreće se oko 40,00 Eura u online prodaji, te na licu mjesta 50,00 Eura).

Ukoliko ste zainteresirani da uzmete učešće u ovoj poslovnoj posjeti i prihvatate navedene uvjete, molimo da nam dostavite **original Prijave i 4 (četiri) primjerka popunjenog, potpisanog i pečatom ovjerenog Ugovora o reguliranju obaveza** na adresu:

Vanjskotrgovinska komora BiH, Branislava Đurđeva 10, 71000 Sarajevo, sa naznakom: PRIJAVA ZA SALONE MILANO 2026.

Prijavu učešća, kao i potpisan Ugovor o reguliranju obaveza u posjeti sajmu, molimo dostavite i u elektronskoj formi (skenirane) na e-mail adresu lejla.mededovic@komorabih.ba.

Rok za prijavu je 6.3.2026. godine. Kontakt osoba za dodatna pitanja: Lejla Međedović (033 566 231).

Za organizaciju posjete sajmu SALONE MILANO 2026 potrebno je imati najmanje 4 prijavljene i kroz selekciju odabrane kompanije, u suprotnom VTK/STK BiH zadržava pravo otkazivanja organizacije.

S poštovanjem,



Prilozi:

1. Prijavni obrazac
2. Ugovor o reguliranju obaveza